

四庫全書

子部

欽定四庫全書

荀子卷十九

唐 楊倞 註

大略篇第二十七

此篇蓋弟子雜錄荀卿之語皆略舉其要不可以一事名篇故總謂之大

略也舊第

二十七

大略

舉其標首所以起下文也

君人者隆禮尊賢而王重法愛民而

霸好利多詐而危欲近四旁莫如中央故王者必居天

下之中禮也

此明都邑居上中之意不近偏旁居中央取其朝貢道里均禮也言其體制如此

天子外屏諸侯內屏禮也外屏不欲見外也內屏不欲

見內也

屏猶蔽也屏謂之樹鄭康成云若今浮思也何休注公羊云禮天子諸侯臺門天子外闕兩觀

諸侯內闕一觀禮天子外屏諸侯內屏大夫以簾士以帷僚謂不欲見內不察泉中魚之義也諸侯召

其臣臣不俟駕顛倒衣裳而走禮也詩曰顛之倒之自

公召之天子召諸侯諸侯輦輿就馬禮也

輦謂人輓車言不暇待馬

至故輦輿就馬也

詩曰我出我車于彼牧矣自天子所謂我來

矣

詩小雅出車之篇毛云出車就馬於牧地鄭云有人自天子所謂我來矣謂以王命召己也此明諸侯奉

上之禮也

天子山冕諸侯玄冠大夫裨冕士韋弁禮也

山冕謂畫

山於衣而服冕即衮冕也蓋取其龍則謂之衮冕取其山則謂之山冕鄭注周禮司服云古冕服十二章衣五

章初一日龍次二曰山次三曰華蟲次四曰火次五曰宗彝皆畫裳四章次六曰藻次七曰粉米次八曰黼次九曰黻皆繡鄭注覲禮云禪之言卑也天子六服大裘為上其餘為禪以事尊卑服之諸侯亦服馬上公衮無升龍侯伯鷩子男毳狐絺卿大夫玄鄭云大夫禪冕蓋亦言禪冕止於大夫士已下不得服也韋弁謂以爵韋為韠而載弁也玉藻曰韠君朱大夫素士爵韋也

天子御珽諸侯御荼大夫服

笏禮也

御服皆器用之名尊者謂之御卑者謂之服御者言臣下所進御也珽大珪長三尺杼上終葵

首謂剡上至其首而方也茶古舒字玉之上同下方者也鄭康成云珽然無所屈也茶讀如舒遲之舒懦者所

畏在也天子彤弓諸侯彤弓大夫黑弓禮也

彤謂彤畫為文飾彤弓朱

弓此明貴賤服御之禮也諸侯相見卿為介

相見謂於鄰地為會介副也聘義卿為上摯大

夫為承擯君親禮賓言主君見聘使則以其教出畢行

以卿為上擯出會則以卿為上介也

教謂戒令畢行謂使仁居守使仁厚者主後事春秋傳

羣臣盡行從君也一子守二子從此明諸侯

出疆之禮又穀梁傳曰智者慮聘人以珪問士以璧召

義者行仁者守然後可以會矣

人以瑗絕人以玦反絕以環聘人以珪璋也問謂訪其國事

因遺之也衛侯使工尹襄問于貢以弓是其類也說文

云瑗者大孔璧也爾雅好倍肉謂之瑗肉倍好謂之璧

禮記曰君召臣以三節周禮珍珪以徵守鄭云以徵召

守國之諸侯若今徵郡守以竹使符也然則天子以珍

珪召諸侯諸侯召臣以瑗瑗玦如環而決肉好若一謂

之環古者臣有罪待放於境三年不敢去與之環則還

與之玦則絕皆所以見意也反絕謂反其人主仁心設

將絕者此明諸侯以玉接人臣之禮也

焉知其役也禮其盡也故王者先仁而後禮天施然也

人主根本施設在仁其役用則在智盡善則在禮天施天道之所施設也此明為國以仁為先也

聘禮

志曰幣厚則傷德財侈則殄禮禮云禮云玉帛云乎哉

志記也言玉帛禮之末也禮記曰不以美設之也

詩曰物其指矣唯其偕矣不

時宜不敬交不驩欣雖指非禮也

詩小雅魚麗之篇指與旨同美也偕齊等

也時謂得時宜謂合宜此明聘好輕財重禮之義也

水行者表深使人無陷治民

者表亂使人無失禮者其表也先王以禮表天下之亂

今廢禮者是去表也故民迷惑而陷禍患此刑罰之所

以繁也

表標志也此明為國當以禮示人也

舜曰維予從欲而治

虞書舜美皋陶

之辭言皋陶明五刑故舜得從欲而治引之以喻禮能成聖亦猶舜賴皋陶也

故禮之生為賢

人以下至庶民也非為成聖也然而亦所以成聖也不

學不成

禮本為中人設然聖人不學亦不成也

堯學於君疇舜學於務成

昭禹學於西王國

君疇漢書古今人表作尹壽又漢藝文志小說家有務成子十一篇昭其

名也尸子曰務成昭之教舜曰避天下之逆從天下之順天下不足取也避天下之順從天下之逆天下不足

失也西王國未詳所說或曰大禹生於西羌西王國西羌之賢人也新序子夏對哀公曰黃帝學於大填顓頊

學于鉅圖帝營學于赤松子堯學于尹壽舜學于務成禹學于西王國湯學于成子伯文王學于時子思武王

學于郭叔此明聖人亦資於教也

五十不成喪七十唯衰存

不成喪不備哭踊之

節衰存但服緣麻而已其禮皆可略也禮記曰七十唯衰麻在身也

親迎之禮父南鄉而

立于北面而跪醺而命之往迎爾相成我宗事

鄭云相助也宗

事宗廟之事也

隆率以敬先妣之嗣若則有常

儀禮作勗率鄭云勗勉也若汝

也勉率婦道以敬其為先妣之嗣也汝之行則當有常深戒之詩云大奴嗣徽音

子曰諾惟恐

不能敢忘命矣

子言惟恐不能勉率以嗣先妣不敢忘父命也

夫行也者行禮

之謂也

所以稱行者禮也

禮也者貴者敬焉老者孝焉長者弟

焉幼者慈焉賤者惠焉

惠亦賜也言行禮如此五者則可為人之行也

賜予其

宮室猶用慶賞於國家也忿怒其臣妾猶用刑罰於萬

民也

宮室妻子也此明能治家則以治國也

君子之於子愛之而勿面使

之而勿貌導之以道而勿彊

面貌謂以顏色慰悅之不欲施小惠也故易家人曰

有嚴君焉勿彊不欲使其愧也此語出曾子

禮以順人心為本故亡於禮經

而順人心者背禮者也

禮記曰禮也者義之實也協諸義而協則禮雖先王未之有可

以義起也禮之大凡事生飾驩也送死飾哀也軍旅飾威也

不可太質親親故故庸庸勞勞仁之殺也

庸功也庸庸故為之飾親親故故庸庸勞勞仁之殺也

功勞以報有功勞者殺差等也皆仁恩之差也殺所介反

貴貴尊尊賢賢老老長長

義之倫也

倫理也此五者非仁恩皆出於義之理也

行之得其節禮之序也

行仁義得其節則是禮有次序也

仁愛也故親義理也故行禮節也故

成

非仁不親非義不行雖有仁義無禮以節之亦不成

仁有里義有門

里與門皆謂禮也里

所以安居門所以出入

仁非其里而虛之非禮也義非其門而由

之非義也

虛讀為居聲之誤也仁非其里義非其門皆謂有仁義而無禮也

推恩而不

理不成仁

仁雖在推恩而不得其理則不成仁謂若有父子之恩而無嚴敬之義也

遂理而

不敢不成義

雖得其理而不敢行則不成義義在果斷故曰非知之艱行之維艱

審節而

不知不成禮

雖能明審節制而不知其意也知或為和

和而不發不成樂

雖

順積中而英華不發於外無
以播於八音則不成於樂也
故曰仁義禮樂其致一也

言四者雖殊同歸於
得中故曰其致一也
君子處仁以義然後仁也
仁而能斷行

義以禮然後義也

雖能斷而不違禮然後為義

制禮反本成末然後

禮也

反復也本謂仁義末謂禮節謂以仁義為本終成於禮節也

三者皆通然後道

也

通明三者然後為道

貨財曰賻輿馬曰賵衣服曰禭玩好曰贈

玉貝曰含

此與公羊穀梁之說同玩好謂明器琴瑟笙

賵猶助也皆助生送死之禮禭猶遺也遺是助死者之禮也知生則賵賻知死則禭

賻賵所以

佐生也贈禭所以送死也送死不及柩尸弔生不及悲

哀非禮也

皆謂葬時

故吉行五十犇喪百里賵贈及事禮之

大也

既訖弔贈及事因明犇喪亦宜行遠也禮記葬喪日行百里不以夜行

禮者政之輓

也

如輓車然

為政不以禮政不行矣天子即位上卿進曰如

之何憂之長也能除患則為福不能除患則為賊授天

子一策

上卿於周若冢宰也皆謂書於策讀之而授天子深戒之也言天下安危所繫其憂甚遠長問

何以治之能為天下除患則百福歸之不能則反為賊害策編竹為之後易之以玉焉也

中卿進曰

配天而有下土者先事慮事先患慮患先事慮事謂之

接

接讀為捷速也中卿若宗伯也

接則事優成先患慮患謂之豫豫則

禍不生事至而後慮者謂之後後則事不舉患至而後

慮者謂之困困則禍不可禦授天子二策

禦禁也二策策第二策下

卿進曰敬戒無怠慶者在堂弔者在閭

下卿若司寇也慶者雖在堂弔

者已在門言相襲之速閭門也

禍與福鄰莫知其門

言同一門出入也賈誼曰憂喜聚門

豫哉豫哉萬民望之授天子三策

豫哉言可戒備也三策第三策

禹見

耕者耦立而式過十室之邑必下

兩人共耕曰耦論語曰長沮桀溺耦而耕

十室之邑必有忠信故下之也

殺大蚤朝大晚非禮也

殺謂田獵禽獸也禮記曰天子

殺則下大綏諸侯殺則下小綏大夫殺則止佐車蚤謂下先上也又曰朝辨色始入殺太蚤謂陵犯也朝太晚

為懈弛也或曰禮記曰獮祭魚然後魚人入澤梁豺祭獸然後田獵先於此為畚也又曰田不以禮是暴天物

也治民不以禮動斯陷矣平衡曰拜下衡曰稽首至地

曰稽顙

平衡謂磬折頭與腰如衡之平衡記平衡與此義殊

大夫之臣拜不稽首

非尊家臣也所以辟君也

辟讀為避

一命齒於鄉再命齒於

族三命族人雖七十不敢先

一命公侯之士再命大夫三命卿也鄭註禮記曰此

皆鄉飲酒時齒謂以年次坐若立也禮記曰三命不齒族人雖七十者不敢先言不唯不與少者齒老者亦不

敢先也上大夫中大夫下大夫

此覆一命再命三命也一命惟公侯之士子男之大

夫也故曰吉事上尊喪事尚親

吉事朝廷列位也喪事以親者為主禮記曰以

服之精
麗為序

君臣不得不尊父子不得不親兄弟不得不順

夫婦不得不驩少者以長老者以養

不得謂不得聖人之禮法驩與歡同

故天地生之聖人成之聘問也享獻也私覲私見也

使大

夫出以珪璋聘所以相問也聘享奉束帛加璧享所以有獻也享畢賓奉束帛以請覲所以私見也聘享以賓

禮見私覲以臣禮見故曰私見鄭注儀禮云享獻也既聘又獻所以厚恩意也

言語之美穆穆

皇皇

爾雅曰穆穆敬也皇皇正也郭璞云皇皇自修正貌穆穆容儀謹敬也皆由言語之美所以威儀修

飾或曰穆穆美也皇皇有光儀也詩曰皇皇者華

朝廷之美濟濟鎗鎗

鎗鎗與鎗同濟濟

多士貌鎗鎗有行列貌

為人臣下者有諫而無訕有亡而無疾有

怨而無怒

謗上曰訕亡去也疾與嫉同惡也怨謂若公弟叔躬衛侯之弟鱄怒謂若慶鄭也君

於大夫三問其疾三臨其喪於士一問一臨諸侯非問

疾弔喪不之臣之家

之往也禮記曰諸侯非問疾弔喪而入諸臣之家是謂君臣為讎也

既葬君若父之友食之則食矣不辟梁肉有酒醴則辭

鄭云尊者之前可以食美變於顏色亦不可也

寢不踰廟設衣不踰祭服禮也

謂制度精麗設宴也

易之咸見夫婦

易咸卦艮下兌上艮為少男兌為少女故曰見夫婦也

夫婦之道不可不正也君臣父子之本也

易說卦曰有天地然後有

男女有男有女然後有大婦有夫婦然後有父子有父子然後有君臣故以夫婦為本

咸感也以高

下下以男下女柔上而剛下

陽唱陰和
然後相成

聘士之義親迎

之道重始也

聘士謂若安車束帛
重其禮也迎魚敬反

禮者人之所履也失

所履則顛覆陷溺所失微而其為亂大者禮也禮之於

正國家也如權衡之於輕重也如繩墨之於曲直也故

人無禮不生事無禮不成國家無禮不寧和樂之聲

此言

珮之聲和
樂人心也

步中武象趨中韶護

珮玉之聲緩則中武
象速則中韶護禮記

曰古之君子必珮玉右徵角左宮羽趨以采齊行以肆
夏是其類也或曰此和樂謂在車和鸞之聲步驟之節

也

君子聽律習容而後士

君子在位者之通稱禮記曰
既服習容觀玉聲聽律謂聽

珮聲使中音律也言威儀如此
乃可為士士者修立之名也
霜降逆女冰泮殺內十

日一御

此蓋誤耳當為冰泮逆女霜降殺內故詩曰士如歸妻迨冰未泮殺減也內謂妻御也十日一

御即殺內之義冰泮逆女謂發生之時合男女也霜降殺內謂閉藏之時禁嗜慾也月今在十一月此云霜降

荀卿與呂氏所傳聞異也鄭云歸妻謂請期也冰未泮正月中以二月可以成昏禮故云冰泮逆女殺所介

反坐視膝立視足應對言語視面

儀禮士相見云子視父則遊目無上於面

無下於帶若不言立則視足坐則視膝鄭云不言則伺其行起而已

立視前六尺而大之

六六三十六三丈六尺

蓋臣於君前視也近視六尺自此而廣之雖遠視不過三丈六

尺曲禮曰立視五雋彼在車上故與此不同也

文貌情用相為内外表裏

文謂禮物

貌謂威儀情謂中誠用謂語
言質文相成不可偏用也

禮之中焉能思索謂之能

慮禮者本末相順終始相應禮者以財物為用以貴賤

為文以多少為異

並解於
禮論篇

下臣事君以貨中臣事君以

身上臣事君以人

貨謂聚斂及珍異獻君身
謂死衛社稷人謂舉賢也

易曰復自

道何其咎

易小畜卦初九之辭復返也自從也
本雖有失返而從道何其咎過也

春秋賢

穆公以為能變也

公羊傳曰秦伯使遂來聘遂者何秦
大夫也秦無大夫此何以書賢穆公

也何賢乎穆公以為能變也謂前不用蹇叔百里
之言敗於崤函而自變悔作秦誓詢茲黃髮是也士有

妒友則賢交不親君有妒臣則賢人不至蔽公者謂之

昧隱良者謂之妒

掩閉公道謂之暗昧

奉妒昧者謂之交謫

交通於謫

詐之人相成爲惡也

交謫之人妒昧之臣國之蔑孽也

蔑與穢同孽妖孽言

終爲國之災害也

口能言之身能行之國寶也口不能言身能

行之國器也

如器物雖不言而有行也

口能言之身不能行國用也

國賴其言可用也

口言善身行惡國妖也治國者敬其寶愛其

器任其用除其妖不富無以養民情

衣食足知榮辱

不教無以

理民性

人性惡故須教

故家五畝宅百畝田務其業而勿奪其

時所以富之也

宅居處也百畝一夫田也務謂勸勉之也孟子曰五畝之宅樹之以桑五十者

可以衣帛矣百畝之田無失其時八口之家可以無飢矣

立大學設庠序修六禮明

十教所以導之也詩曰飲之食之教之誨之王事具矣

禮記曰六禮冠昏喪祭鄉相見十教即十義也禮記曰父慈子孝兄良弟悌夫義婦聽長惠幼順君仁臣忠十

者謂之仁義導謂教導之也十或為七

武王始入殷表商容之間釋箕子

之囚哭比干之墓天下鄉善矣

表築旌之言武王好善天下鄉之孔安國曰商

容殷之賢人紂所敗退也

天下國有俊士世有賢人

天下之國皆有俊士每世皆有

賢人迷者不問路溺者不問遂亡人好獨

以喻雖有賢俊不能用也

所以迷由於不問路溺由於不問遂亡由於好獨遂謂徑隨水中可涉之徑也獨謂自用其計也

詩曰

我言維服勿以為笑先民有言詢于芻蕘言博問也

詩大

雅板之篇毛云芻蕘薪者也鄭云服事也我之所言乃今之急事汝無笑也

有法者以法行

無法者以類舉

皆類於法而舉之也

以其本知其末以其左知其

右凡百事異理而相守也

其事雖異其守則一謂若為善不同同歸於理之類也

慶賞刑罰通類而後應

通明於類然後百姓應之謂賞必賞功罰必罰罪不失其類也

政教習俗相順而後行

順人心然後可行也

八十者一子不事九

十者舉家不事廢疾非人不養者一人不事父母之喪

三年不事齊衰大功三月不事從諸侯不

不當為來謂從他國來或

君之人與新有昏暮不事

古者有喪昏皆不事所以重其哀戚與嗣續也事謂力役

也子謂子家駒續然大夫不如晏子

子孔子謂言也子家駒魯公子慶父

孫公孫歸父之後名羈駒其字也續言補續君之過不能興功用故不如晏子也

晏子功用之

臣也不如子產

雖有功用不如子產之恩惠也

子產惠人也不如管仲

雖有恩惠不如管仲之才略也

管仲之為人力功不力義力知不力仁

雖九合諸侯一匡天下而不全用仁義也

野人也不可以為天子大夫

言四子皆

類郊野之人未浸漬於仁義故不可為王者佐

孟子三見宣王不言事門人曰

曷為三遇齊王而不言事孟子曰我先攻其邪心

以正色攻

去邪心乃可與言也

公行子之之燕

孟子公行子有子之喪右師往弔趙岐云齊大夫也子之

蓋其先也

遇曾元於塗曰燕君何如曾元曰志卑

言不求遠大也曾元

曾參之子

志卑者輕物物輕物者不求助

不求賢以自輔

苟不求助

何能舉

既無輔助必不勝任矣

氏羌之虜也

謂見俘掠

不憂其係壘也

而憂其不焚也

壘讀為累氏羌之俗死則焚其屍今不憂虜獲而憂不焚是愚也呂氏春秋曰

憂其死而不焚

利夫秋毫害靡國家然且為之幾為知計哉

靡披

靡也利夫秋毫之細其害遂披靡而來及於國家言不恤其大而憂其小與氏羌之虜何異幾辭也或曰幾讀

為今夫亡箴者終日求之而不得其得之非目益明也

眸而見之也心之於慮亦然

眸謂以眸審視之也言心於思慮亦當反覆盡其精

妙如眸子之求箴也

義與利者人之所兩有也雖堯舜不能去民

之欲利然而能使其欲利不克其好義也

克亦勝也

雖桀紂

亦不能去民之好義然而能使其好義不勝其欲利也

故義勝利者為治世利克義者為亂世上重義則義克

利上重利則利克義故天子不言多少諸侯不言利害

大夫不言得喪

皆謂言財貨也

士不通財貨

士賤雖得言之亦不得貿遷如商賈

也有國之君不息牛羊

息繁育也

錯質之臣不息雞豚

錯置也質

讀為贄孟子曰出疆必載贄蓋古字通耳置贄謂執贄而置於君士相見禮曰士大夫奠贄於君再拜稽首禮曰畜馬乘者不察於雞豚或曰賈贄猶言委質也言凡委質為人臣則不得與下爭利

冢卿不修

幣大夫不為場園

冢卿上卿不修幣謂不修財幣貶息之也治稼穡曰場樹蔬菜曰園謂若

公儀子不奪園夫工女之利也

從士以上皆羞利而不與民爭業樂分

施而耻積藏然故民不困財貧窶者有所竄其手

竄容也容

集其手而力作也

文王誅四武王誅二周公卒業至成康則案

無誅已

並解在仲尼篇言周公終王業猶不得無誅伐至成康然後刑措也重引此者明不與民爭利

則刑罰省也

多積財而羞無有

羞重民任而誅不能

使民不能勝任

而復誅之此邪行之所以起刑罰之所以多也上好羞則民

閭飾矣

好羞貧而事奢侈則民閭自修飾也

上好富則民死利矣二者亂

之衢也

衢道

民語曰欲富乎忍恥矣傾絕矣絕故舊矣與

義分背矣

忍耻不顧廉耻傾絕謂傾身絕命而求也分背如人分背而行

上好富則人

民之行如此安得不亂湯旱而禱曰政不節與使民疾

與何以不雨至斯極也

疾苦

宮室榮與婦謁盛與何以不

雨至斯極也

榮盛謁請也婦謁盛謂婦言是用

苞苴行與讒夫興與何

以不雨至斯極也

貨賄必以物苞苴裹故總謂之苞苴興起也鄭注禮記曰苞苴裹魚肉者或

以華或以茅

天之生民非為君也天之立君以為民也故古

者列地建國非以貴諸侯而已列官職差爵祿非以尊

大夫而已

差謂制等級也

主道知人臣道知事

人謂賢良事謂職守

故舜

之治天下不以事詔而萬物成

不以事詔告但委任而已謂若使禹治水不告

治水之方略

農精於田而不可以為田師工賈亦然以賢易

不肖不待卜而後知吉以治伐亂不待戰而後知克

無人

禦敵故知必克

齊人欲伐魯忌卞莊子不敢過卞

卞魯邑莊子卞邑大夫有

者晉人欲伐衛畏子路不敢過蒲

蒲衛邑子路蒲宰杜元凱云蒲邑在長垣

縣西

不知而問堯舜

好問者則無不知故可比聖人也

無有而求天府

知無而求之是有天府之富

先王之道則堯舜已

問先王之道則可為堯舜

六貳

之博則天府已

求財於六貳之博得之不窮故曰天府天府天之府藏言六貳之博可以得貨

財先王之道可以為堯舜故以喻焉六貳之博則六博也王逸注楚辭云投六箸行六棊故曰六博今之博局

亦二六相對也

君子之學如蛻幡然遷之

如蟬蛻也幡與翻同

故其行効

其立効其坐効其置顏色出辭氣効

効放也置措也言造次皆學而不捨

也無留善

有善即行無留滯也

無宿問

當時即問不俟經宿

善學者盡其理

善行者究其難

非知之難行之惟艱故善行之者事究其難

君子立志如窮

似不能通變

雖天子三公問正以是非對

至尊至貴對之唯一故曰如窮也

君子隘窮而不失

不失道而隕獲

勞倦而不苟

不苟免也

臨患難而

不忘細席之言

尸子夏曰君子漸於飢寒而志不懈鏐於五兵而辭不憚臨大事不忘昔席

之言昔席蓋昔所踐履之言此細亦當讀為昔或曰細席講論之席臨難不忘素所講習忠義之言漢書王吉諫昌邑曰廣厦之下細旃之上歲不寒無以知松柏事不難無以知君

子無日不在是

無有一日不懷道所謂造次必於是也

雨小漢故潛

未詳或曰

爾雅云漢為潛李廵曰漢水溢流為潛今云雨小漢故潛言漢者本因雨小水溢觴而成至其盛也乃溢為潛矣言自小至大者也

夫盡小者大積微者著德至者色澤洽行盡

而聲聞遠

色澤洽謂德潤身行下孟反

小人不誠於內而求之於外

言而不稱師謂之畔

畔者倍之半也

教而不稱師謂之倍

教人不稱

師其罪重故謂之倍倍者反逆之名也

倍畔之人明君不內朝士大夫遇

諸塗不與言不足於行者說過

言說太過故行不能副也

不足於信

者誠言

數欲誠實其言故信不能副君子所以貴行不貴言也

故春秋善胥命而

詩非屢盟其心一也

春秋魯桓公三年齊侯衛侯胥命于蒲公羊傳曰相命也何言乎相

命近正也古者不盟結言而退又詩曰君子屢盟亂是用長言其一心而相信則不在盟誓也

善為詩

者不說善為易者不占善為禮者不相其心同也

皆言與理

冥會者至於無言說者也相謂入為贊相也

曾子曰孝子言為可聞行為可

見發言使人可聞不詐妄也立行使人可見不苟為斯為孝子也

言為可聞所以說遠

也行為可見所以說近也近者說則親遠者說則附親

近而附遠孝子之道也

說皆讀為悅近親遠附則毀辱無由及親也

曾子行

晏子從於郊曰嬰聞之君子贈人以言庶人贈人以財

嬰貧無財請假於君子贈吾子以言

假於君子謙辭也晏子先於孔子曾

子之父猶為孔子弟子此言送曾子豈好事者為之歟

乘輿之輪大山之木也示

諸櫟栝三月五月為櫛棗敝而不反其常

皆言車之材也示讀為寘

巢枯矯揉木之器也言寘諸槩括或三月或五月也憊
菜未詳或曰菜讀為蓄謂較輿輻也言矯揉直木為牙
至於較輻皆敵而規曲不反其初所謂三材不失職也
周禮考工記曰望其較欲其眼也進而眊之欲其憊之
廉也鄭云憊慢較之革也革急則木廉隅見考工記又
曰察其蓄蚤不謁則輪雖敵不匡鄭云蓄謂輻入轂中
者蚤讀為爪爪謂輻入牙中者也匡判也晏子春秋曰
今夫車輪山之直木良匠揉之其圓中規雖有槁暴不
復贏矣 君子之槩括不可不謹也慎之為移其性
矣

本漸於蜜醴一佩易之

雖皆香草然以浸於甘醴一三
佩方可易質之言所漸者美而

加貴也佩或為倍謂具一倍也漸浸
也子康反此語與晏子春秋不同

正君漸於香酒可

讒而得也

雖正直之君其所漸染如香之於酒則讒邪
可得而入言甘醴變香草之性甘言變正君

之性或為美或為惡皆在其所漸染也

君子之所漸不可不慎也人之於

文學也猶玉之於琢磨也詩曰如切如磋如琢如磨謂

學問也和之璧井里之厥也玉人琢之為天子寶

和之璧楚

人卞和所得之璧也井里里名厥也未詳或曰厥石也晏子春秋作井里之困也

子贛季路故

鄙人也被文學服禮義為天下列士學問不厭好士不

倦是天府也

言所得多

君子疑則不言未問則不立道遠日

益矣

未曾學問不敢立為論議所謂不知為不知也為道久遠自日有所益不必道聽塗說也此語出曾

子多知而無親博學而無方好多而無定者君子不與

無親不親師也方法也此少不諷壯不論議雖可未成

也諷謂就學諷詩書也言不學雖有善質未為成人也君子壹教弟子壹學亟成

壹專壹也亟急也已力反君子進則能益上之譽而損下之憂進任損減

不能而居之誣也無益而厚受之竊也誣君竊位學者非必

為仕而仕者必如學如子貢問於孔子曰賜倦於學矣

願息事君息休孔子曰詩云溫恭朝夕執事有恪事君

難事君焉可息哉然則賜願息事親孔子曰詩

云孝子不匱永錫爾類事親難事親焉可息哉詩大雅既醉之

篇毛云匱竭也類善也言孝子之養
無有匱竭之時故天長賜以善也然則賜願息於妻

子孔子曰詩云刑于寡妻至于兄弟以御于家邦妻子

難妻子焉可息哉

詩大雅思齊之篇刑法也寡德之妻言賢也御治也言文王先立禮法於

其妻以至于兄弟然後治于家邦言自家刑國也

然則賜願息於朋友孔子曰

詩云朋友攸攝攝以威儀朋友難朋友焉可息哉

亦既醉之

篇毛云言相攝佐者以威儀也

然則賜願息耕孔子曰詩云晝爾于茅

宵爾索綯亟其乘屋其始播百穀耕難耕焉可息哉

詩

七月之篇于茅往取茅也綯絞也亟急也乘屋升屋治其弊漏也

然則賜無息者乎孔

子曰望其墮皐如也嶼如也鬲如也此則知所息矣

墮丘

墮皐當為宰宰家也宰如高貌嶼與填同如謂土填塞也鬲謂革絕於上列子作宰如墳如張湛注云見其墳

壤鬲異則知息之有所也

子貢曰大哉死乎君子息焉小人休焉國

風之好色也傳曰盈其欲而不愆其止

好色謂關雎樂得淑女也盈其

欲謂好仇寤寐思服也止禮也欲雖盈滿而不敢過禮求之此言好色人所不免美其不過禮也故詩序云關

雎樂得淑女以配君子憂在進賢不淫其色哀窈窕思賢才而無傷善之心焉是關雎之義也

其誠可

比於金石其聲可內於宗廟

其誠以禮自防之誠也比於金石言不變也其聲可

內於宗廟謂以樂章播八音奏於宗廟鄉飲酒禮合樂周南關雎葛覃詩序云關雎后妃之德風之始也所以

風化天下故用之鄉人焉用之邦國焉既
云用之邦國是其聲可內於宗廟者也 小雅不以於

汙上自引而居下

以用也汙上驕君也言作小雅之人不為驕君所用自引而疏遠也

疾

今之政以思往者其言有文焉其聲有哀焉

小雅多刺幽厲而思

文武言有文謂不鄙陋聲有哀謂哀以思也

國將興必貴師而重傳貴師而

重傳則法度存國將衰必賤師而輕傳賤師而輕傳則

人有快

人肆其意

人有快則法度壞古者匹夫五十而士

禮

十而士五十而後爵此云五十而士恐誤或曰為卿士也

天子諸侯子十九而冠冠

而聽治其教至也

十九而冠先於臣下一年也雖人君之子猶年長而冠冠而後聽其政治

以明教至然後君子也者而好之其人有君子之質而所好得其人謂

得賢師也其人也而不教不祥祥非君子而好之非其人也

既無君子之質又所好非其人非其人而教之齋盜糧借賊兵也若使不善

人數非君子是猶資盜賊之兵糧為害不自嫌其行者

言濫過嫌足也謂行不足也所以不足古之賢人賤為

布衣貧為匹夫食則饘粥不足衣則豎褐不完然而非

禮不進非義不受安取此豎褐僅豎之褐亦短褐也言賢人雖貧窮義不苟進安取

此言過而行不副之事也子夏貧衣若縣鶉人曰子何不仕曰諸侯

之驕我者吾不為臣大夫之驕我者吾不復見柳下惠

與後門者同衣而不見疑非一日之間也

柳下惠魯賢人公子展之

後名獲字禽居於柳下謚惠季其伯仲也後門者君子

宇後門至賤者子夏言昔柳下惠衣之弊惡與後門者

同時人尚無疑怪者言安於貧賤渾跡爭利如蚤甲而

喪其掌

蚤與爪同言仕亂世驕君縱得小利終喪其身也

君人者不可以不慎

取臣匹夫者不可以不慎取友友者所以相有也

有與友同

義相友謂不使喪亡

道不同何以相友也均薪施火火就燥平地

注水水流湮夫類之相從也如此之著也以友觀人焉

所疑

察其友則可以知人之善惡不疑也

取友求善人不可不慎是德之

基也

取友求善人不可不慎是德之基本言所以成德也

詩曰無將大車維塵冥

冥言無與小人處也

詩小雅無將大車之篇將猶扶進也將車賤者之事塵冥冥蔽人目

明令無所見與小人處亦然也

藍苴路作似知而非

未詳其義或曰苴讀為姐慢也趙蕤

注長短經知人篇曰姐者類智而非智或讀為姐伺也才野反

懦弱易奪似仁而非

仁者

不爭而與物故懦弱易奪者似之易奪無執守之謂也

悍戇好鬪似勇而非

悍兇戾也

戇愚也

仁義禮善之於人也辟之若貨財粟米之於家

也多有之者富少有之者貧至無有者窮故大者不能

小者不為是弃國損身之道也凡物有乘而來乘其出

者是其反者已

反覆也出去也凡乘勢而去者皆是物之還反也言善惡皆所自取也

流

言滅之貨色遠之禍之所由生也生自纖纖也是故君

子蚤絕之

流言謂流轉之言不定者也滅亦絕也凡禍之所由生自纖纖微細故君子早絕其萌此

語亦出

言之信者在乎區蓋之間

區藏物處蓋所以覆物者凡言之可信者

如物在器皿之間言有分限不流溢也器名區者與丘同義漢書儒林傳唐生褚生應博士弟子選試誦說有

法疑者丘蓋不言丘與區同也

疑則不言未問則不立

重引此兩句以明之知者

明於事達於數不可以不誠事也

誠忠誠言不可以虛妄事知者故曰

君子難說說之以道不說也

說並音悅

語曰流丸止於甌

史流言止於智者

甌史皆甌器也揚子方言云陳魏楚宋之間謂塋為史甌史謂地之坳坎

如甌史者也或曰甌史竄下之地史記曰甌窰滿溝汙邪滿車裴駰云甌窰傾側之地汙邪下地也邪與史聲

相近蓋同也窰力侯反汙烏孤反

此家言邪學之所以惡儒者也

家言謂偏

見自成一家之言若宋墨者

是非疑則度之以遠事驗之以近物參

之以平心流言止焉惡言死焉

參驗之至則流言息死猶盡也鄭康成云死之

言漸漸猶消盡也

曾子食魚有餘曰泔之門人曰泔之傷人不

若與之

泔與與皆烹和之名未詳其說

曾子泣涕曰有異心乎哉傷其

聞之晚也

曾子自傷不知以食餘之傷人故泣涕深自引過謝門人曰吾豈有異心故欲傷人哉乃

所不知也言此者以譏時人飾非自是耻言不知與曾子異也無用吾之所短遇人之

所長

遇當也言已才藝有所短宜自審其分不可強欲當人所長而辨爭也

故塞而避所

短移而從所仕疏知而不法察辨而操僻勇果而亡禮

君子之所憎惡也

塞掩也移就也仕與事同事所能也言掩其不善務其所能也疏通也察

辨而操僻謂聰察其辨所操之事邪僻也操七刀反

多言而類聖人也

應萬變故多類謂皆

當其類而無乖越此聖人也

少言而法君子也多言無法而流詰然

雖辯小人也

詰當為誨非十二子篇有此語此當同或曰當為楷也

國法禁拾遺

惡民之串以無分得也

串習也古患反

有夫分義則容天下而

治無分義則一妻一妾而亂天下之人唯各特意哉然

而有所共予也

特意謂人殊意予讀為與

言味者予易牙言音者予

師曠言治者予三王

易牙齊桓公宰夫知味者師曠晉平公樂師知音者

三王既

已定法度制禮樂而傳之有不用而改自作何以異於

變易牙之和更師曠之律無三王之治天下不待亡國

不待死

言不暇有所待而死亡速之甚也更工衡反

飲而不食者蟬也不飲

不食者蜉蝣也

蜉蝣渠略朝生夕死蟲也言此者以喻人既飲且食必須求先王法略為治不

得苟且如野蠅輩也虞舜孝已孝而親不愛比干子胥忠而君不

用仲尼顏淵知而窮於世劫迫於暴國而無所辟之辟讀

為避言賢者不遇時危行言避則崇其善揚其美言其所長而不稱其

所短也惟惟而亡者誹也惟讀為唯以癸反唯唯聽從之貌常聽從人而不免亡者

由於逆後即誹謗也博而窮者訾也清之而愈濁者口也已解於榮辱篇

君子能為可貴不能使人必貴己能為可用不能使人

必用己修德在己所遇在命誥誓不及五帝誥誓以言辭相戒約也禮記曰約信曰誓

又曰殷人作盟詛不及三王莊牲曰盟謂殺牲歃血告神以盟約也交質

子不及五伯

此言後世德義不足雖要約轉深猶不能固也伯讀曰霸穀梁傳亦有此語

荀子卷十九

欽定四庫全書

荀子卷二十

唐 楊倞 註

宥坐篇第二十八

此已下皆荀卿及弟子所引記傳雜事故總推於末

孔子觀於魯桓公之廟有欹器焉

春秋哀公三年桓宮僖宮災公羊傳曰此

皆毀宗廟也其言災何復立也或曰三桓之祖廟欹器傾欹易覆之器

孔子問於守廟者

曰此為何器守廟者曰此蓋為宥坐之器

宥與右同言人若可置於

坐右以為戒也說苑作坐右或曰宥與侑同勸也文子曰三皇五帝有勸戒之器名侑卮注云欹器也 孔

子曰吾聞宥坐之器者虛則欹中則正滿則覆孔子顧

謂弟子曰注水焉弟子挹水而注之

挹中而正滿而覆

虛而歆孔子喟然而嘆曰吁惡有滿而不覆者哉子路

曰敢問持滿有道乎孔子曰聰明聖知守之以愚功被

天下守之以讓勇力撫世守之以怯

撫掩也猶言蓋世也

富有四

海守之以謙此所謂挹而損之道也

挹亦退也挹而損之猶言損之

又孔子為魯攝相朝七日而誅少正卯

為司寇而攝相也朝謂聽朝也

門人進問曰夫少正卯魯之聞人也夫子為政而始誅

之得無失乎

聞人謂有名為人所聞知者也始誅先誅之也

孔子曰居吾語汝

其故人有惡者五而盜竊不與焉一曰心達而險二曰

行辟而堅三曰言偽而辯四曰記醜而博五曰順非而

澤

心達而險謂心通達於事而凶險也辟請為辭醜謂怪異之事澤有潤澤也

此五者有一

於人則不得免於君子之誅而少正卯兼有之故居處

足以聚徒成羣言談足以飾邪營衆彊足以反是獨立

此小人之桀雄也不可誅也

營請為熒熒衆惑衆也彊剛愎也反是以非為

是也獨立人不能傾之也

是以湯誅尹諧文王誅潘止周公誅管叔

太公誅華仕管仲誅付里乙子產誅鄧析史付

韓子曰太公封

於齊東海上有居士狂商華仕昆弟二人立議曰吾不臣天子不友諸侯耕而食之掘而飲之吾無求於人無上之名無君之祿不仕而事力太公使執而殺之以為首誅周公從魯聞急傳而問曰二子賢者也今日饗國殺之何也太公曰是昆弟立議曰不臣天子是望不得而臣也不友諸侯是望不得而使也耕而食之掘而飲之無求於人者是望不得以賞罰勸禁也且夫王之以使其臣者非爵祿則刑罰也今四者不足以使之則望誰為君乎是以誅也尹諧潘止付里乙史付事跡並未聞也此七子者皆異世同心

不可不誅也詩曰憂心悄悄愠于羣小小人成羣斯足

憂矣

詩邶風柏舟之篇悄悄憂貌愠怒也

孔子為魯司寇有父子訟者孔

子拘之三月不別

別猶決也謂不辨別其子之罪

其父請止孔子舍之

季孫聞之不悅曰是老也欺予

老大夫之尊稱春秋左傳曰使圉將不得為宣

君老也

語予曰為國家必以孝今殺一人以戮不孝又舍

之冉子以告孔子慨然歎曰嗚呼上失之下殺之其可

乎不教其民而聽其獄殺不辜也三軍大敗不可斬也

獄犴不治不可刑也罪不在民故也

獄犴不治謂法今不當也犴亦獄也

詩曰宜犴宜獄獄字從二犬象所以守者犴胡地野犬亦善守故獄謂之犴也

嫚令謹誅賊也

嫚與慢同謹嚴也賊賊害人也

今有時斂也無時暴也

言生物有時而賦斂無時是陵

暴不教而責成功虐也已此三者然後刑可即也

即就已止

書曰義刑義殺勿庸以即予維曰未有順事言先教也

書康誥言周公命康叔使以義刑義殺勿用以就汝之心不使任其喜怒也維刑殺皆以義猶自謂未有使人可順守之事故有抵犯者自責其教之不至也故先王既陳之以道上先服之

服行也謂先自行之然後教之若不可尚賢以綦之若不可廢不能以

單之綦極也謂優寵也單盡也盡謂黜削單或為殫綦三年而百姓往矣百姓從化

極不過三年也邪民不從然後俟之以刑則民知罪矣百姓既往然後

誅其奸邪詩曰尹氏大師維周之氏秉國之均四方是維天

子是庫卑民不迷詩小雅節南山之篇氏本也庫請為毗輔也卑請為俾是以威

厲而不試刑錯而不用此之謂也

厲抗也試亦用也但抗其威而不用也錯

置也如置之於地不動也

今之世則不然亂其教繁其刑其民迷惑

而墮焉則從而制之是以刑彌繁而邪不勝三尺之岸

而虛車不能登也百仞之山任負車登焉何則陵遲故

也

岸崖也負重也任負車任重之車也遲慢也陵遲言丘陵之勢漸慢也王肅云陵遲陂池也

數仞

之牆而民不踰也百仞之山而豎子馮而游焉陵遲故

也今夫世之陵遲亦久矣而能使民勿踰乎詩曰周道

如砥其直如矢君子所履小人所視眷焉顧之潛然出

涕豈不哀哉

詩小雅大東之篇言失其砥矢之道所以陵遲哀其法度隳壞也

詩曰瞻

彼日月悠悠我思道之云遠曷云能來

詩邶風雄雉之篇

子曰

伊稽首不其有來乎

稽首恭敬之至有所不來者為其上失其道而人散也若施德化使

下人稽首歸向雖道遠能無來乎

孔子觀於東流之水子貢問於孔子

曰君子之所以見大水必觀焉者是何孔子曰夫水大

徧與諸生而無為也似德

徧與諸生謂水能徧生萬物為其不有其功似上德不德

者說苑作適與而無私者

其流也埤下裾拘必循其理似義

埤讀為卑裾與

徧同方也拘讀為鈎曲也其流必就卑下或方或曲必循卑下之理似義者無不循理也說苑作其流也卑下

拘倨之也情

其洗洗乎不涇盡似道

洗讀為涇涇水至貌涇讀為屈竭

也似道之無窮也家語作浩浩無屈盡之期似道也

若有決行之其應佚若聲嚮

其赴百仞之谷不懼似勇

決行決之使行也佚與逸同奔逸也若聲嚮言若嚮之應

聲也似勇者果於赴難也

主量必平似法

主讀為注量謂坑受水之處也言所經坑坎注必平

之然後過似有法度者均平也

盈不求概似正

概平斗斛之木也考工記曰概而不稅言水盈

滿不待概而自平如政者不假於刑法之禁

淖約微達似察

淖當為綽約弱也綽約柔弱也

雖至柔弱而侵淫微通達於物似察之見細微也說苑作綽弱微達

以出以入以就鮮絜

似善化

言萬物出入於水則必鮮絜似善化者之使人去惡就美也說苑作不清以入鮮絜以出也

其萬折也必東似志

折縈曲也雖東西南北千萬縈折不常然必歸於東似有志不可奪

者說苑作其折必東也

是故君子見大水必觀焉孔子曰吾有耻

也吾有鄙也吾有殆也幼不能彊學老無以教之吾耻

之

無才藝以數人也

去其故鄉事君而達卒遇故人曾無舊言

吾鄙之

舊言平生之言卒倉忽反

與小人處者吾殆之也孔子曰如

埴而進吾與之如丘而止吾已矣今學曾未如肫贅則

具然欲為人師

肫贅結肉也莊子曰以生為附贅懸肫肫膏尤其然自滿足之貌也

孔子

南適楚厄於陳蔡之間七日不火食藜羹不糲

糲與藜同蘇覽

反

弟子皆有飢色子路進問之曰由聞之為善者天報之以福為不善者天報之以禍今夫子累德積義懷美行之日久矣奚居之隱也

隱謂窮約

孔子曰由不識吾語汝

汝以知者為必用耶王子比干不見剖心乎汝以忠者為必用耶關龍逢不見刑乎汝以為諫者為必用耶伍

子胥不磔姑蘇東門外乎

磔車裂也姑蘇吳都名

夫遇不過者時

也賢不肖者材也君子博學深謀不遇時者多矣由是觀之不過世者衆矣何獨丘也哉夫芷蘭生於深林非

以無人而不芳君子之學非為通也

不為求通

為窮而不困

憂而意不衰也知禍福終始而心不惑也

皆為樂天知命

夫賢

不肖者材也為不為者人也

為善不為善在人也

遇不遇者時也

死生者命也今有其人不遇其時雖賢其能行乎苟遇

其時何難之有故君子博學深謀脩身端行以俟其時

孔子曰由居吾語汝昔晉公子重耳霸心生於曹

重耳晉文

公名亡過曹曹共公聞其駢脅使其裸浴薄而觀之公因此激怒而霸心生也

越王勾踐霸心

生於會稽

謂以甲盾五千棲於會稽也

齊桓公小白霸心生於莒

小白

齊桓公名齊亂奔
莒蓋亦為所不禮
故居不隱者思不遠身不佚者志不

廣

佚家語作常逸者與逸同捐奔竄也

女庸安知吾不得之桑落之下

桑落

九月時也夫子當時蓋暴露居此樹之下

子貢觀於魯廟之北堂出而問於

孔子曰鄉者賜觀於太廟之北堂吾亦未輟還復瞻被

九蓋皆繼彼有說耶匠過絕耶

北堂神主所在也輟止也九當為北傳寫誤耳

彼當為彼蓋音蓋扇戶也皆繼謂其材木斷絕相接繼也子貢問北蓋皆繼續彼有說耶匠過誤而遂絕之也

家語作北蓋皆斷王肅云觀北面之蓋皆斷絕也

孔子曰太廟之堂亦嘗有說

言舊曾說今則無也

官致良工因麗節文

致極也官致良工謂初造太廟之時官致其良

工工則因隨其木之美麗節文而裁制之所以斷絕家語作官致良工之匠匠致良材盡其功巧蓋貴文也

非無良材也蓋曰貴文也

非無良材大木不斷絕者蓋所以貴文飾也此蓋明夫子

之博識也

子道篇第二十九

入孝出弟人之小行也

弟與悌同謂自卑如弟子

上順下篤人之中

行也

上順從於君父下篤愛於卑幼也

從道不從君從義不從父人之

大行也若夫志以禮安言以類使則儒道畢矣

志安於禮不妄

動也言發以類不恠說也如此則儒者之道畢矣

雖舜不能加毫末於是矣孝

子所以不從命有三從命則親危不從命則親安孝子

不從命乃衷

衷善也謂善發於衷心矣

從命則親辱不從命則親榮

孝子不從命乃義從命則禽獸不從命則脩飾孝子不

從命乃敬

從命則陷身於禽獸之行不從命則親為脩飾君子不從命是乃敬親

故可以

從而不從是不子也未可以從而從是不衷也明於從

不從之義而能致恭敬忠信端慤以慎行之則可謂大

孝矣傳曰從道不從君從義不從父此之謂也故勞苦

彫萃而能無失其敬

彫傷也萃與穎同雖勞苦彫萃而不敢懈情失敬也

災禍患

難而能無失其義則不幸不順見惡而能無失其愛

不幸

以不順於親而見惡也

非仁人莫能行詩曰孝子不匱此之謂也

魯哀公問於孔子曰子從父命孝乎臣從君命貞乎三

問孔子不對

不敢違哀公之意故不對

孔子趨出以語子貢曰鄉者

君問丘曰子從父命孝乎臣從君命貞乎三問而丘不

對賜以為何如子貢曰子從父命孝矣臣從君命貞矣

夫子有奚對焉孔子曰小人哉賜不識也昔萬乘之國

有爭臣四人則封疆不削千乘之國有爭臣三人則社

稷不危百乘之家有爭臣二人則宗廟不毀父有爭子

不行無禮士有爭友不為不義故子從父奚子孝臣從

君奚臣貞審其所以從之之謂孝之謂貞也

審其可從則從不可

從則不從

子路問於孔子曰有人於此夙興夜寐耕耘樹藝

手足胼胝以養其親然而無孝之名何也

樹栽植藝播種胼謂手足

勞駢併也胝皮厚也丁思反

孔子曰意者身不敬與辭不遜與色不

順與古之人有言曰衣與繆與不女聊

繆繆繆也與讀為歟聊賴也言

雖與之衣而繆繆不精則不聊賴於汝也或曰繆綢也言雖衣服我綢繆我而不敬不順則不賴汝也韓詩外

傳作衣子教子家語云人與已不順欺也王肅
云人與已事實通不相欺也皆與此不同也 今夙興

夜寐耕耘樹藝手足胼胝以養其親無此三者則何以
為而無孝之名也孔子曰由志之吾語汝雖有國士之

力不能自舉其身非無力也勢不可也

國士一國
勇力之士 故入

而行不脩身之罪也出而名不章友之過也故君子入

則篤行出則友賢何為而無孝之名也子路問於孔子

曰魯大夫練而牀禮耶孔子曰吾不知也

練小祥也禮
語曰期而小

祥居室寢有席又期而大祥
居復寢中月而禫禫而牀也

子路出謂子貢曰吾以

夫子為無所不知夫子徒有所不知子貢曰汝何問哉
子路曰由問魯大夫練而牀禮耶夫子曰吾不知也子
貢曰吾將為汝問之子貢問曰練而牀禮耶孔子曰非
禮也子貢出謂子路曰汝謂夫子為有所不知乎夫子
徒無所不知汝問非也禮居是邑不非其大夫懼於子
路盛服見孔子孔子曰由是裾裾何也裾裾衣服盛貌
說苑作襜褕也
昔者江出於岷山其始出也其源可以濫觴及其至江
之津也不放舟不避風則不可涉也

放讀為方國語曰
方舟投附韋昭曰

方並也編木為附說苑作方舟方附也詩云方之舟之

非維下流水多耶

維與唯同言豈

不以下流水多故人畏之耶言盛服色厲亦然也說苑作非下衆水之多乎

今汝服既盛顏

色充盈天下且孰肯諫汝矣

充盈猛厲也

由

告之畢又呼其名叮嚀之也

子路趨而出改服而入蓋猶若也

猶若舒和之貌禮記曰君子蓋猶猶爾也

孔子曰志之吾語汝奮於言者華奮於行者伐色知而

有能者小人也

奮振矜也色知謂所知見知顏色有能自有其能皆矜伐之意

故君子

知之曰知之不知曰不知言之要也能之曰能之不能

曰不能行之至也

皆在不隱其情

言要則知行至則仁既知且

仁夫惡有不足矣哉子路入子曰由知者若何仁者若

何子路對曰知者使人知己仁者使人愛己子曰可謂

士矣

士者修立之稱

子貢入子曰賜知者若何仁者若何子貢

對曰知者知人仁者愛人子曰可謂士君子矣顏淵入

子曰回知者若何仁者若何

知者皆讀為智

顏淵對曰知者自

知仁者自愛子曰可謂明君子矣子路問於孔子曰君

子亦有憂乎孔子曰君子其未得也則樂其意

樂其為治之意

既已得之又樂其治是以有終身之樂無一日之憂小

人者其未得也則憂不得既已得之又恐失之是以有終身之憂無一日之樂也

法行篇第三十

禮義謂之法所以行之謂之行

公輸不能加於繩聖人莫能加於禮

公輸魯巧人名班雖至乃繩墨之外

亦不能加也

禮者衆人法而不知聖人法而知之

衆人皆知禮可以為

法而不知其義者也

曾子曰無內人之疏而外人之親

無禁辭也內人之疏

外人之親謂以疏為內以親為外家語曰不比於親而此於疏者不亦遠乎韓詩外傳作無內疏而無外親也

無身不善而怨人無刑已至而呼天內人之疏而外人

之親不亦遠乎

謂失之遠矣

身不善而怨人不亦反乎

反謂非時

刑已至而呼天不亦晚乎詩曰涓涓源水不離不塞穀

已破碎乃大其輻事以敗矣乃重太息其云益乎

源水之

泉源也雖讀為壅大其輻謂壯大其輻也重太息嘆嗟之甚也三者皆言不愼其初追悔無及也

曾子

病曾元持足曾子曰元志之吾語汝

曾元曾子之子也

夫魚鼈

龜鼈猶以淵為淺而掘其中

掘與窟同

鷹鳶猶以山為卑而

增巢其上及其得也必以餌故君子苟能無以利害義

則耻辱亦無由至矣子貢問於孔子曰君子之所以貴

玉而賤珉者何也

珉石之似玉者

為夫玉之少而珉之多耶孔

子曰惡賜是何言也

惡音烏猶言烏謂此義也

夫君子豈多而賤之

少而貴之哉夫玉者君子比德焉溫潤而澤仁也

鄭康成云

色柔溫潤似仁

鎮栗而理知也

鄭云栗堅貌也理有文理似智者處事堅固又有文理

堅

剛而不屈義也

似義者剛直不回也

廉而不剝行也

剝傷也雖有廉峻而不傷

物似有德行者不傷害人

折不撓勇也

雖摧折而不撓屈似勇者也

瑕適並見

情也

瑕玉之病也適玉之美澤調適之謂也瑕適並見似不匿其情者也禮記曰瑕不掩瑜瑜不掩瑕忠

也扣之其聲清揚而遠聞其止輟然辭也

扣與叩同似有辭辨言發

言則人樂聽之言畢更無繁辭也禮記
作叩之其聲清越以長其終屈然樂也故雖有珉之彫

彫不若玉之章章

彫彫謂彫飾文采也章章素質明著也

詩曰言念君子

溫其如玉此之謂也

詩秦風小戎之篇引之喻君子比德

曾子曰同遊而

不見愛者吾必不仁也

仁者必能使

交而不見敬者吾必

不長也

不長厚故為人所輕

臨財而不見信者吾必不信也

廉潔不聞

於三者在身曷怨人

當反諸已

怨人者窮怨天者無識

無識不知

天命也

失諸已而反諸人豈不亦迂哉南郭惠子問於子

貢曰夫子之門何其雜也

南郭惠子未詳其姓名蓋居南郭因以為號莊子有南郭

子蔡夫子弟子也 雜謂賢不肖相雜而至

子貢曰君子正身以俟欲來者不

距欲去者不止且夫良醫之門多病人藥枯之側多枉

木是以雜也君子有三恕有君不能事有臣而求其使

非恕也有親不能報有子而求其孝非恕也

報孝養也詩曰欲報

德之有兄不能敬有弟而求其聽令非恕也士明於此三

恕則可以端身矣孔子曰君子有三思而不可不思也

少而不學長無能也老而不教死無思也

無門人思其德

有而

不施窮無與也

窮乏之時無所往託

是故君子少思長則學老思

死則教有思窮則施

哀公篇第三十一

魯哀公問於孔子曰吾欲論吾國之士與之治國敢問

何如之耶孔子對曰生今之世志古之道居今之俗服

古之服

志記識也服古之服猶若夫子服逢掖之衣章甫之冠也

舍此而為非者不

亦鮮乎

舍去此謂古也

哀公曰然則夫章甫紃屨紳而搢笏者

此賢乎

章甫殷冠王肅云紃謂屨頭有拘飾也鄭康成云紃之言拘也以為行戒狀如刀衣鼻在屨頭

紳大帶也搢笏於紳者也

孔子對曰不必然夫端衣玄裳纚而乘路

者志不在於食葷

端衣玄裳即朝玄端也統與冕同鄭云端者取其正也士之衣袂皆二尺

二寸而廣幅是廣袂等也其袼尺二寸大夫已上侈之侈之者蓋半而益一焉則袂三尺三寸袼尺八寸路王

者之車亦車之通名爾雅云輅車之大者輦蔥蒨之屬也

斬衰菅屨杖而啜粥者志

不在於酒肉

儀禮喪服曰斬者何不緝也衰長六尺博四寸三升布為之鄭注喪服云上曰衰下

曰裳當心前有衰後有負板左右有辟領孝子衰戚無所不在也管非也此言服被於外亦所以制其心也

生今之世志古之道居今之俗服古之服舍此而為非

者雖有不亦鮮乎哀公曰善孔子曰人有五儀

言人之賢愚觀

其儀法有五也

有庸人有士有君子有賢人有大聖哀公曰敢

問何如斯可謂庸人矣孔子對曰所謂庸人者口不能

道善言心不知色色

色色謂以己之色觀彼之色知其好惡也論語曰色斯舉矣

不

知選賢人善士託其身焉以為已憂

不知託賢但自憂而已

勤行

不知所務止交不知所定

交謂接待於物皆言不能辨是非張儀失據也

日選

擇於物不知所貴

不知可貴重也

從物如流不知所歸

為外物所誘蕩

而不返也

五鑿為正心從而壞如此則可謂庸人矣

鑿竅也五鑿謂

耳目鼻口及心之竅也言五鑿雖似於正而其心已從外物所誘而壞矣是庸愚之人也一曰五鑿五情也莊

子曰六鑿相攘司馬彪曰六情相攘奪韓詩外傳作五藏為正也

哀公曰善敢問何如

斯可謂士矣孔子對曰所謂士者雖不能盡道術必有

率也雖不能徧美善必有處也

率循也雖不能盡徧必循處其一隅言有所執

也守是故知不務多務審其所知

論語曰子路有聞未之能行唯恐有聞也言

不務多務審其所謂

止於辨明事而已矣

行不務多務審其所由

由從也謂不從不正之道

故知既已知之矣言既已謂之矣行既已

由之矣則若性命肌膚之不可易也

言固守所見如愛其性命肌膚之不

可以他物移易者也

故富貴不足以益也卑賤不足以損也

皆謂志不

奪如此則可謂士矣

士者修立之稱一曰士事也言其善於任事可以入官也

哀公

曰善哉問何如斯可謂君子矣孔子對曰所謂君子者

言忠信而心不德

不自以為有德

仁義在身而色不伐思慮明

通而辭不爭故猶然如將可及者君子也

猶然舒遲之貌所謂瞻之

在前忽然在後家語作油然王肅曰不進貌也

哀公曰善哉問何如斯可謂賢

人矣孔子對曰所謂賢人者行中規繩而不傷於本言

足法於天下而不傷於身

本亦身也言雖廣大而不傷其身也所謂言滿天下無口

過行滿天下無怨惡

富有天下而無怨財

富有天下謂王者之佐也怨讀為蘊言雖富有

天下而無蘊蓄私財也家語作無宛禮記曰事大積焉而不宛古蘊通而此因誤為怨字耳

布施天

下而不病貧

言廣施德澤慈惠用窮使家給人足而上不憂貧乏所謂百姓足君孰與不足也

如此則可謂賢人矣

賢者亞聖之名說文云賢多才

哀公曰善敢問何

如斯可謂大聖矣孔子對曰所謂大聖者知通乎大道

應變而不窮辨乎萬物之情性者也

辨別萬物之情性也

大道者

所以變化遂成萬物也情性者所以理然不取舍也

情

性乃能理是非之取舍而不惑

是故其事大辨乎天地

其事謂聖人所理化之事言辨

別萬事如天地之別萬物各使區分也

明察乎日月

聖人之明察如日月

總要萬物

於風雨

總要猶統領也風以動之雨以潤之言統領萬物如風雨之生成也

繆繆肫肫其

事不可循

繆常為膠相加之貌莊子云膠膠擾擾肥與純同雜亂之貌爾雅云訛訛亂也言聖人治

萬物錯雜膠膠訛訛然而衆人不能循其事

若天之嗣其事不可識

嗣繼也言聖人

如天之繼嗣衆人不能識其意

百姓淺然不識其鄰

鄰近也百姓淺見不能識其所近况

能識其深乎所謂日用而不知者也

若此則可謂大聖矣哀公曰善魯哀

公問舜冠於孔子孔子不對

哀公不問舜德徒問其冠故不對也

三問不

對哀公曰寡人問舜冠於子何以不言也孔子對曰古

之王者有務而拘領者矣其政好生而惡殺焉

務讀為冒拘與

句同曲領也言雖冠衣拙朴而行仁政也尚書大傳曰古之人衣上有冒而句領者鄭康成注云言在德不在

服也古之人三皇時也冒覆項也句領統頸也禮正服方領也是以鳳在列樹麟在郊

野烏鵲之巢可俯而窺也君不此問而問舜冠所以不對也魯哀公問於孔子曰寡人生於深宮之中長於婦人之手寡人未嘗知哀也未嘗知憂也未嘗知勞也未嘗知懼也未嘗知危也孔子曰君之所問聖君之問也丘小人也何足以知之美大其問故謙不敢對也曰非吾子無所聞之也孔子曰君入廟門而右登自阼階仰視榱桷俛見几筵其器存其人亡君以此思哀則哀將焉不至矣

謂祭

祀時也昨與昨同椽亦椽也哀將焉不至言必至也

君昧爽而櫛冠

昧闇也爽明也謂初曉尚

暗之時

平明而聽朝一物不應亂之端也君以此思憂則

憂將焉不至矣君平明而聽朝日昃而退諸侯之子孫

必有在君之末庭者君以此思勞則勞將焉不至矣

諸侯

之子孫謂奔亡至魯而仕者自平明至日昃在末庭而修臣禮君若思其勞則勞可知也以喻哀公亦諸侯之子孫不戒懼修德亦將有此奔亡之勞也君出魯之四門以望魯四郊亡國

之虛則必有數蓋焉

虛讀為墟有數蓋焉猶言蓋有數焉倒言之耳新序作亡國之墟列

必有數矣君以此思懼則懼將焉不至矣且丘聞之君者舟

也庶人者水也水則載舟水則覆舟君以此思危則危將焉不至矣魯哀公問於孔子曰紳委章甫有益於仁

乎

紳大帶也委委貌周之冠也章甫殷冠也鄭注儀禮云委安也所以安正容貌章表明也殷質言所以表

明大孔子蹴然曰君號然也

莊子音義崔謨云蹴然變色之貌號讀為胡聲相近

字遂誤耳家語作君胡然也

資衰苴杖者不聽樂非耳不能聞也服

使然也

資與齊同苴竹杖也苴謂蒼白色自死之竹也

黼衣黻裳者不茹葷非

口不能味也服使然也

黼衣黻裳祭服也白與黑為黼黑與青為黻禮祭致齊不茹葷

非不能味謂非不能知味也鄭注周禮司服云玄冕者衣裳刺繡而已

且丘聞之好肆不

守折長者不為市竊其有益與其無益君其知之矣

喜好

也言喜於市肆之人不使所守貨財折耗而長者亦不能為此市井盜竊之事長者不為市而販者不為非也家語王肅注云言市肆弗能為廉好肆則不折也人為市估之行則不守折人為長者之行則亦不為市買之事竊宜為察察其有益與其無益以竊字屬下句魯哀公問於孔子曰請問取

人之問取人之術也

孔子對曰無取健

健美之人

無取甜

未詳家語作無取鉗王肅

云謂妄對不謹誠者或曰捷給鉗人之口者

無取口喁

喁與諄同方言云齊魯凡相疾惡謂之諄

憎諄之閏反王肅云喁喁多言或曰詩云諄爾諄諄口諄謂口教誨心無誠實者諄諄論也

健貪也

甜亂也口喁誕也

健美之人多貪欲甜忌之人多悖亂讒疾之人多妄誕說苑曰哀公問於

孔子曰人何若為可取也孔子曰無取拊者無取捷者無取口獻者拊者太給利不可盡用也捷者必兼人不可為法也口獻者多誕而寡信後恐不驗也韓詩外傳曰無取健無取佞無取口讒健驕也佞諂也口讒誕也皆大同而小異故弓調而後求勁焉馬服而後求良焉士信慤

而後求知能焉士不信慤而有多知能譬之其豺狼也

不可以身余也

有讀為又余與邇同

語曰桓公用其賊文公用其

盜

謂管仲寺人勃鞞也盜亦賊也以喻士信慤則仇讐可用不信慤則親戚可疎

故明主任計

不信怒闔主信怒不任計

信亦任也

計勝怒者彊怒勝計者

亡定公問於顏淵曰東野子之善馭乎

東野氏也馭與御同

顏淵

對曰善則善矣雖然其馬將失

失讀為逸奔也下同家語作馬將佚也

定

公不悅入謂左右曰君子固讒人乎三日而校來謁之

曰東野畢之馬失

校人掌養馬之官也

兩驂列兩服入廐

兩服馬在中兩

驂兩服之外馬列與裂同謂外馬聲裂中馬牽引而入廐

定公越席而起曰趨駕召

顏淵顏淵至

趨讀為促速也

定公曰前日寡人問吾子吾子曰

東野畢之馭善則善矣雖然其馬將失不識吾子何以

知之顏淵對曰臣以政知之昔舜巧於使民而造父巧

於使馬舜不窮其民造父不窮其馬是舜無失民造父

無失馬也今東野畢之馭上車執轡銜體正矣步驟馳

騁朝禮畢矣

銜體銜與馬體也步驟馳騁盡禮畢矣謂調集其馬或步驟馳騁盡朝廷之禮也

歷險致遠馬力盡矣然猶求馬不已是以知之也定公

曰善可得少進乎

定公更請少進其說

顏淵對曰臣聞之烏窮則

啄獸窮則攫人窮則詐自古及今未有窮其下而能無

危者也

堯問第三十二

堯問於舜曰我欲致天下為之奈何

恐天下不歸故欲致而取之也

對

曰執一無失行微無怠忠信無倦而天下自來

執一專意也行

微行細微之事也言精專不怠而天下自歸不必致也

執一如天地

如天地無變易時也

行

微如日月

日月之行人所不見似於細微安徐然而出無怠止之時也

忠誠盛於內

責於外形於四海

責飾也形見也禮記曰當潤屋德潤身心廣體胖故君子必誠其意也

天下其在一隅耶夫有何足致也

夫物在一隅者則可舉而致之今有道天

下盡歸不在於一隅焉用致也有讀為又

魏武侯謀事而當羣臣莫能逮退

朝而有喜色

武侯晉大夫畢萬之後文侯之子也

吳起進曰亦常有以楚

莊王之語聞於左右者乎武侯曰楚莊王之語何如吳

起對曰楚莊王謀事而當羣臣莫逮退朝而有憂色申

公巫臣進問曰王朝而有憂色何也

巫臣楚申邑大夫也

莊王曰

不穀謀事而當羣臣莫能逮是以憂也其在中歸之言

也

中歸與仲虺同湯左相也

曰諸侯自為得師者王得友者霸得疑

者存自為謀而莫已若者亡

疑謂博聞遠識或決疑惑者

今以不穀

之不肖而羣臣莫逮吾逮吾國幾於亡乎是以憂也楚莊

王以憂而君以憲武侯遂巡再拜曰天使夫子振寡人

之過也

振

伯禽將歸於魯

伯禽周公子成王封為魯侯將歸謂初之國也

周公

謂伯禽之傳曰汝將行盍志而子美德乎

將行何不忘記汝所傳之

子美德以言我

對曰其為人寬好自用以慎

寬寬弘也自用好自務其用也慎謹

密也此三者其美德也已周公曰嗚呼以人惡為美德乎

君子好以道德故其民歸道

君子好以道德教人故其民歸道者衆非謂寬弘也

彼其寬也出無辨矣汝又美之

彼伯禽既無道德但務寬容此乃出於善惡無

別汝何以為美也孔子曰寬則得衆亦謂人愛悅歸之也

彼其好自用也是所以窶

小也

窶無禮也彼伯禽好自用而不諮詢是乃無禮驕人而器局小也書曰自用則小尚書大傳曰是其

好自用也以斂盜之也

君子力如牛不與牛爭力走如馬不與馬

爭走知如士不與士爭知

士謂臣下掌事者不爭言委任

彼爭者均者

之氣也汝又美之

好自用則必不委任而與之爭事爭事乃均敵者尚氣之事非人君之量

也彼其慎也是其所以淺也

彼伯禽之慎密不廣接士適所以自使智識淺近也

聞之曰無越踰不見士

周公聞之古也越踰謂過一日也

見士問曰無

乃不察乎

懼其壅蔽故問無乃有不察之事乎

不聞即物少至少至則淺

物事也不見士則無所聞無所聞則所知之事亦少少則意淺矣聞或為問也

彼淺者賤人之

道也汝又美之吾語汝我文王之為子

為文王之子也

武王之

為弟成王之為叔父

周公先成王薨未知成王之謚此云成王乃後人所加之耳

吾

於天下不賤矣然而吾所執贄而見者十人

周公自執贄而見者

十人禮見其所尊敬者雖君亦執贄故哀公執贄請見周豐鄭注尚書大傳云十人公卿之中也三十人羣士之中也百人羣

還贄而相見者三十人

禮臣見君則不敢還贄敵者不敢

當則還之禮尚往來也士相見禮曰主人復見之以其贄曰歸者吾夫子辱使某見請還贄於將命者鄭康成云贄者所執以至也君子見於所尊敬必執贄以將其厚意也

貌執之士者百有餘人

執猶待也以禮貌接待之士百餘人也

欲言而請畢事者千有餘人

謂卑賤之

士恐其言之不盡周公先請其畢辭也說苑曰周公踐天子之位七年布衣之士所執贄而師見者十人所見者十二人窮巷白屋所先見者四十九人時進善者百人教士千人朝者萬人

於是吾僅得三

士焉以正吾身以定天下

於是千百人之中僅乃得三士正身治國

吾所以

得三士者亡於十人與三十人中乃在百人與千人之

中

十人與三十人雖尊敬未得賢至百人千人然後乃得三人以明接士不廣無由得賢也

故上士

吾薄為之貌下士吾厚為之貌

上士中誠重之故可薄為之貌下士既無執賢

之禮懼失賢士之心故厚為之貌尤加謹敬也

人人皆以我為越踰好士然故

士至

人不知則以為越踰然亦以禮貌之故而至也

士至而後見物

物事見物

然後知其是非之所在戒之哉汝其以魯國驕人幾矣

幾危也周公言我以天下之貴猶不驕士汝今以魯國之小而遂驕人危矣

夫仰祿之士猶

可驕也

仰魚亮反

正身之士不可驕也彼正身之士舍貴而

為賤舍富而為貧舍佚而為勞顏色黎黑而不失其所

黎讀為梨謂面如東黎之色者也

是以天下之紀不息文章不廢也

賴守

道之士不苟徇人故得綱紀文章尚存也

語曰繒丘之封人

繒與鄆同鄆丘故國封人掌疆

界者漢書地理志繒縣屬東海

見楚相孫叔敖曰吾聞之也處官久者

士妬之祿厚者民怨之位尊者君恨之今相國有此三

者而不得罪楚之士民何也孫叔敖曰吾三相楚而心

愈卑每益祿而施愈博位滋尊而禮愈恭是以不得罪

於楚之士民也子貢問於孔子曰賜為人下而未知也

下謙下也子貢問欲為下未知其益

孔子曰為人下者其猶土也深扣之

而得甘泉焉

扣掘也故沒反

樹之而五穀蕃焉草木殖焉禽獸

育焉生則立焉死則入焉多其功而不息為人下者其

猶土也昔虞不用宮之奇而晉并之萊不用子馬而齊

并之

宮之奇虞賢臣諫不從以其族行子馬未詳其姓名左氏傳曰襄二年齊侯伐萊萊人使正與子路

夙沙衛以索馬牛皆百匹又六年齊侯伐萊萊人使王叔帥師及正與子軍齊師齊師大敗之遂滅萊或曰正與子字子馬其不用未聞說范諸卿已諫楚莊王曰曹不用僂負羈而宋并之萊不用子猛而齊併之據年代

齊滅萊在楚莊王之後
未詳諸卿已之謀也

紂剗王子比干而武王得之不

親賢用知故身死國亡也


為說者曰孫卿不如孔子是不然也孫卿迫於亂世
於嚴刑上無賢主下遇暴秦禮義不行教化不成仁者
紂約天下冥冥行全刺之諸侯大傾當是時也知者不
得慮能者不得治賢者不得使故君上蔽而無覩賢人
距而不受然則孫卿將懷聖之心蒙佯狂之色視天下
以愚詩曰既明且哲以保其身此之謂也是其所以名

聲不白徒與不衆光輝不博也今之學者得孫卿之遺
言餘教足以為天下法式表儀所存者神所遇者化觀
其善行孔子弗過世不詳察云非聖人奈何天下不治
孫卿不過時也德若堯禹世少知之方術不用為人所
疑其知至明修道正行足以為綱紀嗚呼賢哉宜為帝
王天地不知善桀紂殺賢良比干剖心孔子拘匡接輿
避世箕子佯狂田常為亂閭閻擅彊為惡得福善者有
殃今為說者又不察其實乃信其名時世不同譽何由

生不得為政功安能成志修德厚孰謂不賢乎

自為說者已下

咸荀卿弟子之辭也



荀子卷二十